



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000 CENTRALA/FAX: +38735369920  
n-dijete@bih.net.ba www.nasedijete.ba

Na osnovu člana 70. Zakona o predškolskom odgoju i obrazovanju („Službene novine TK“ broj: 12/09, 08/11, 10/13, 8/18, 5/22 i 5/25), člana 27. Pravila Javne ustanove za predškolski odgoj i obrazovanje „Naše dijete“ Tuzla br. 6796/2018 od 20.12.2018. godine, 02-04-978/2021 od 30.03.2021. godine, 02-34-4334/2022 od 15.11.2022. godine 02-04-1756/2023 od 31.05.2023. godine i 02-04-1601/2024 od 25.04.2024. godine, a u vezi sa članom 57. Zakona o zaštiti ličnih podataka („Službeni glasnik BiH“, broj 12/25), direktor Javne ustanove za predškolski odgoj i obrazovanje "Naše dijete" donosi:

## **Dopunu Programa mjera sigurnosti, zaštite i prevencije JU za predškolski odgoj i obrazovanje „Naše dijete“ Tuzla**

### **Član 1.**

U Program u mjera sigurnosti, zaštite i prevencije, broj: 01-45-854/2025 od 10.03.2025. godine, dodaje se novi član 11a i glasi:

„Član 11a. – Videonadzor u svrhu sigurnosti

- 1) Radi obezbjeđivanja sigurnosti djece, zaposlenih i imovine Ustanove, uspostavljen je sistem videonadzora koji obuhvata ulaze u objekte vrtića, hodnike i druge zajedničke prostorije koje nisu namijenjene boravku djece i zaposlenika.
- 2) Videonadzor se provodi isključivo u svrhu prevencije neovlaštenog pristupa, zaštite imovine i praćenja sigurnosnih incidenata, u skladu sa Zakonom o zaštiti ličnih podataka Bosne i Hercegovine.
- 3) Kamere ne smiju biti postavljene u prostorijama namijenjenim boravku djece, niti drugim prostorima u kojima bi se mogla narušiti privatnost djece i zaposlenih (sobe namijenjene za boravak djece, trpezarija, kancelarije, toaleti nisu obuhvaćeni videonadzorom).
- 4) Pristup snimcima ima samo izabrani pružatelj usluga, kod koga se snimci i pohranjuju na period naznačen ugovorom, osim ako se ne koriste u postupku utvrđivanja odgovornosti ili istrage nadležnih organa.
- 5) Ustanova je dužna jasno označiti prostore koji su pod videonadzorom, istaknuti obavještenje o provođenju videonadzora, te osigurati da svi podaci budu zaštićeni od neovlaštenog pristupa i upotrebe.“

### **Član 2.**

Ostale odredbe Programa mjera sigurnosti, zaštite i prevencije ostaju nepromijenjene.

### **Član 3.**

Ove dopune Programa mjera sigurnosti, zaštite i prevencije stupaju na snagu danom donošenja.

  
Direktor  
**Anesa Mešanović, prof.**  
predškolskog odgoja  
Broj: 01-45-3529/2025  
Datum: 03.11.2025. godine